



Na osnovu člana 99 stav 1 Zakona o visokom obrazovanju u Brčko distriktu („Službeni glasnik Brčko distrikta BiH“, broj 30/09, 29/18 i 16/20), člana 27 stav 6 Statuta i odluke Upravnog odbora broj 130-6/2022 od 30.09.2022. godine, a uz prethodno mišljenje Senata, koje je dato aktom broj 127-6/2022 od 22.09.2022. godine, Evropski univerzitet Brčko distrikt raspisuje dodatni

KONKURS

za upis studenata na Evropski univerzitet Brčko distrikt u akademsku 2022/23. godini

I

Raspisuje se dodatni konkurs za upis studenata u akademsku 2022/23. godinu za I, II i III ciklus studija, a za sve studijske programe do popune broja.

II

Na prvu godinu osnovnih studija može se upisati lice koje ima završeno četverogodišnje srednje obrazovanje u Brčko distriktu ili entitetima BiH, ili ekvivalentno obrazovanje u inostranstvu. Kandidat prilikom upisa zaključuje ugovor o studiranju kojim se bliže uređuju prava i obaveze tokom studiranja. Učenici koji su srednju školu završili u inostranstvu moraju prethodno da izvrše nostrifikaciju diplome. Za upis na prvu godinu dodiplomskih studija ne polaže se prijemni ispit ukoliko je broj kandidata koji ispunjavaju uslove manji od broja kandidata koji su planirani za upis. U suprotnom pismeno se polaže prijemni ispit koji obuhvata znanja iz opšte kulture i programskih sadržaja srednjeg obrazovanja.

III

Uz prijavu na konkurs kandidati dostavljaju dokumenta u originalu ili ovjerenoj kopiji (osim pod 4):

- 1) uvjerenje o državljanstvu;
- 2) rodni list;
- 3) svjedočanstva i diplomu o završenoj srednjoj školi, i
- 4) dvije fotografije za indeks.

Kandidati za upis na II ciklus studija prilažu diplomu o stečenom visokom obrazovanju, a kandidati za upis na III ciklus studija prilažu i diplomu o stečenom akademskom zvanju.

Prijave na konkurs podnose se od 1.10. do 31.10.2022. godine.

IV

Kandidati koji se upišu na prvu godinu osnovnih studija, a dijete su šehida ili poginulog borca, ne plaćaju školarinu za prvu godinu studija.

Kandidati koji se upišu na prvu godinu osnovnih studija studijskog programa Medicina dobijaju stipendiju na školarinu u iznosu od 5.000,00 KM za prvu godinu studija, a oni koji se upišu na prvu godinu studijskog programa Stomatologija dobijaju stipendiju u iznosu od 3.500,00 KM za prvu godinu studija.

V

Raspisuje se konkurs za upis kandidata na programe stručnog osposobljavanja pri Univerzitetskom Centru za razvoj karijere i vještina, i to sljedeće:

1. Program stručnog osposobljavanja za trenere - instruktore iz oblasti streljaštva;

2. Program stručnog usavršavanja iz oblasti menadžmenta u zdravstvu;
3. Program polaganja ispita za sticanje osnovnih znanja iz oblasti informatike;
4. Program dopunskog psihološko-pedagoškog i metodičkog obrazovanja;
5. Program stručnog usavršavanja iz oblasti zdravstvene njege;
6. Program stručnog osposobljavanja za trenere - instruktore iz oblasti budo vještina (Global Martial Arts Association Hachi-O-Kai Budo Karate Do Federation Europe);
7. Program stručnog osposobljavanja za trenere - instruktore iz oblasti sportskih disciplina (ronjenje, veslanje, skijanje, tenis, nogomet i dr.).

Ukupno trajanje programa stručnog usavršavanja iznosi između 80 i 160 sati u zavisnosti od vrste programa. Ispiti se polažu u posljednjoj sedmici svakog mjeseca tokom trajanja nastavne godine. Nakon uspješno položenih svih ispita predviđenih programom, kandidatu se izdaje uvjerenje o završenom stručnom usavršavanju, kao i certifikat.

VI

Više informacija o upisu može se naći na web-stranici Univerziteta www.eubd.edu.ba ili na brojevima telefona 049 590 605 i 049 590 610.